



Doris J. Jensen  
Inatsisartunut ilaasortaq, Siumut  
Inatsisartut@inatsisartut.gl

## Royal Arctic Linemi assartuinermi akigitat aalajangersarneqartarnerat pillugu § 37 naapertorlugu apeqquteqaammut 2023-100-mut akissut

21-08-2023  
Sags nr.: 2023 - 15250  
ID nr. 88155151

Asasara Doris,

Inatsisartut suleriaasianni § 37 naapertorlugu Royal Arctic Linemi assartuinermi akigitat aalajangersarneqartarnerat pillugu Naalakkersuisunut apeqquteqaateqarput. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### Apeqqut 1: RAL-ip usinik assartuinermini nunatta iluani ungasissuseq aallaavigalugu akeqartitsineq ingerlappaa?

Akissut: Royal Arctic Line A/S (RAL) imaatigut assartuinermi assigiimmik akeqartitsivoq.

Ineqarnermut Attaveqaasersuutinullu Naalakkersuisoqarfiup RAL attavigimmagu, RAL-ip paasissutissiisutigaa nunap iluani assartuinermi akigitat, assartukkat sumut assartorneqarnerat apeqqutaatinnagu assigiittut.

Taassuma saniatigut najukkani tamani nassiussalerinermut akiliuteqartitsisoqartarpoq. Akiliutip annertussusilerneqarnerani najukkami pissutsit apeqqutaasarmata, akiliutit najukkamit najukkamut nikerartarput. Umiarsualivinni nassiussalerinermi akiliutit akuersissut pillugu isumaqatigiisummut ilaatinneqanngillat, taamaattumillu taakkua Naalakkersuisunit akuersissutigineqarneq ajorlutik.

Assartuinermi, nassiussalerinermilu akigitat RAL-ip nittartagaani assartuinermi najoqqutassiap ataani takuneqarsinnaapput.

### Apeqqut 2: Taamassimappat, usinik assartuinermi akit assigiit atuutilersinniarlugit naalakkersuisut pilersaaruteqarpat?

Akissut: Naamik, assartuinermi akigititanik allannguissaminnik Naalakkersuisut massakkut pilersaaruteqanngillat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Erik Jensen